


Inihahandog ng
Bibliya Para sa mga Bata

Nakikita ni Isaias ang
Hinaharap



Isinulat ni: Edward Hughes

Inilarawan ni: Jonathan Hay; Alastair P.

Ibinagay ni: Mary-Anne S.

Isinalin ni: Christine Cornejo


Inilimbag at ipinamamahagi
ng Bible for Children
www.M1914.org

©2026 Bible for Children, Inc.

Pahintulot: Ang materyal na ito ay maaaring makopya o malimbag,
ngunit hindi maaaring ipagbili.



Si Isaias ay isang propeta. Ang kanyang gawain ay iparating sa mga tao kung ano ang sinasabi ng Diyos.



Ahaz

Hezekias

Jotam

Uzias




Ang mga tao ay hindi laging nais na marinig ang Salita ng Diyos, ngunit si Isaias ay hindi kailanman binigo ang Diyos. Siya ay nangaral sa panahon ng apat na iba't ibang hari.



Jotam



Ahaz




Uzziah



Hezekias



Naghari si Uzias sa lupain ng Judah mula sa lungsod ng Jerusalem. Sa simula, siya ay pinagpala dahil ang kanyang mga gawa ay kanais-nais sa paningin ng Diyos. Ngunit si Uzias ay naging mapagmataas at hindi na sumunod sa Diyos. Kaya't siya ay nagkaroon ng ketong at namuhay mag-isa hanggang sa siya ay namatay.



Naghari si Uzias ng higit sa 60 na taon. Nang siya ay namatay, pumalit ang kanyang anak na si Jotam, na siya namang naghari ng 17 na taon. Pinagpala ng Diyos si Jotam dahil siya ay nakinig sa sinasabi ng Diyos sa pamamagitan ni Isaias at ng ibang propeta.




Ang anak ni Jotam ay si Ahaz. Si Ahaz ay 20 taong gulang ng naging hari. Siya ay namuno ng 16 na taon sa Jerusalem. Hindi nagmahal si Ahaz sa Diyos.

Siya ay sumamba sa mga idolo at mga maling diyos, at hinikayat niya ang mga tao na gawin din ito. Kahit na siya ay binabalaan ni Isaias, hindi nakinig si Ahaz. Kaya't

siya ay namatay ng 35 gulang pa lang.



Pinagpala ng Diyos ang sumunod na hari, si Hezekias, dahil inalis niya ang lahat ng mga idolo at maling diyos. Siya rin ay nanalangin sa tunay na Diyos. Nang lumusob ang kalaban sa Judah, alam ni Hezekias na mahina ang kanyang hukbo upang magtagumpay. Hiniling niya kay Isaias na manalangin ng tulong sa Diyos.




Ang mensaheng pinadala ni Isaias sa Hari. "Ito ang
sabi ng Panginoon: Huwag kang matakot sa kaaway...
hindi ko sila pagtatagumpayin..." Pagkatapos,
ang Diyos ay kumilos upang ang
hukbo ng kalaban ay umalis
ng hindi man lang

lumaban kay
Hezekias.




Ang Diyos
ay palaging
nasa isip
ni Isaias,

bagaman ang mga
tao sa paligid niya
ay hindi iniisip
ang Diyos.



Isang araw,
nagkaroon
si Isaias ng
pangitain-
parang
panaginip
ngunit
gising.



Sa pangitain,
nakita ni Isaias
kung gaano
kalualhati at
kabanal ang
Diyos.



"Sino ang aking ipadadala?"
ang tanong ng Diyos sa
pangitain. "Narito po ako.
Ako ang inyong isugo!" ang
sagot ni Isaias. Siya ay
handang gawin kung anong
hilingin ng Diyos, at handang
tumungo kung saan siya
ipadala ng Diyos.



Maaring inisip ni Isaias na siya ay patutunguhin ng Diyos sa napakalayong lugar kung saan hindi pa naririnig ang tungkol sa Diyos.



Ngunit hindi. Sinabi ng Diyos kay Isaias na mangusap sa mga tao sa kanyang bansa. Sabihin niya ng galit ang Diyos sa kanilang mga kasalanan.




May mga iba pang mga bagay na nilahad ni Isaias sa mga tao - mga kahanga-hangang bagay tungkol sa isang Tao na magiging tagapagligtas na darating upang sakupin ang kanilang mga kasalanan at ang kanilang mga kaaway.



Tinatawag ng mga Hudyo ang Taong ito na "Mesias". Ngunit kahit na inaasahan nila ang Mesias, maraming mga tao ang nabuhay nang parang walang darating na Mesias.




Lahat ng mga bagay
na nilahad ni Isaias
tungkol sa
Mesias ay
nakasulat
sa kanyang
libro. Kahit na
ito ay nasulat ng
daan-daang taon
bago nangyari,
lahat nang
kanyang nasabi
ay natupad.



Sinabi ni Isaias na ang Diyos mismo
ang magbibigay ng tanda.
Sabi niya, "Maglilihi

ang isang dalaga at
magsisilang ng isang sanggol
na lalaki at tatawagin sa pangalang
Emmanuel." Alam ng mga tao
na ang tinutukoy ni Isaias
ay ang Mesias sapagkat
ang isang dalaga ay
hindi maaaring
magka-anak.

At ang ibig
sabihin ng Emmanuel
ay "Kasama natin
ang Diyos".



"Sapagkat isinilang ang isang sanggol na lalaki para sa atin; ibibigay sa kanya ang pamamahala. Siya ay tatawaging Kahanga-hangang Tagapayo, Makapangyarihang Diyos, Walang Hanggang Ama, Prinsipe ng Kapayapaan." Sigurado si Isaias na ang mga pangako ng Diyos ay magtutupad; siya ay naglahad na parang ang mga pangyayari ay naganap na. Ito ang tinatawag ng propesiya.



Sinabi ni Isaias na ang Mesias ay magiging dakila at gagawa ng mga bagay na dakila. Sinabi din ng Diyos sa pamamagitan ni Isaias na ang Mesias ay magdurusa at ilalagay sa kamatayan.



Maaring nagtaka si Isaias kung paano magiging dakila at makapangyarihan ang isang Mesias at gayunpamay mahina at sugatan.

Ngunit hindi tumutol si Isaias sa Diyos, at kanya lamang inulit ang mga bagay na pinapasabi ng Diyos sa kanya. At tiniyak ng Diyos na ang propesiya ay matutupad.



Ang Mesias ay darating, at hindi lamang para sa mga Hudyo. Sinabi ng Diyos kay Isaias na ang Mesias ay magiging "ilaw sa mga Hentil". Ang Hentil ay ang tao sa mundo na hindi Hudyo. Mahal ng Diyos ang lahat at ang Mesias ay darating upang pagpalain ang lahat at bigyan ng kaligtasan ang buong sanlibutan.



Nakikita ni Isaias ang Hinaharap

isang kuwentong nanggagaling sa
Salita ng Diyos, ang Bibliya,

makikita sa

Isaias 1, 6, 7, 9, 53

"Ang bukas ng iyong mga Salita ay
nagbibigay ng liwanag." Mga Awit 119:130



Ang Wakas



Sinasabi sa kuwentong ito mula sa Bibliya ang tungkol sa ating kahanga-hangang Diyos na Siyang lumikha sa atin at nais Niya na makilala natin Siya.

Alam ng Diyos na tayo'y nakagawa ng masasamang bagay na tinatawag Niyang kasalanan. Ang parusa sa kasalanan ay kamatayan ngunit lubos ang pagmamahal ng Diyos sa atin kaya't ipinadala Niya ang Kanyang Anak na si Hesus na Siyang napako at namatay sa Krus upang pagbayaran ang ating mga kasalanan.

Subalit hindi nanatiling patay si Hesus. Nabuhay Siyang muli at bumalik sa langit! Kung mananampalataya ka kay Hesus at hihingi ng kapatawaran sa iyong mga kasalanan, papatawarin ka Niya. Siya ay darating at mananahan sa iyong buhay magpakailanman.

Kung ibig mong maligtas at mapatawad sa iyong kasalanan, narito ang isang panalangin na maaari mong tularan:

"Mahal kong Diyos, naniniwala po ako na si Hesus ay namatay para sa akin, ngunit Siya ay nabuhay muli. Tinatanggap ko po kayo sa aking buhay at patawarin Ninyo po ako sa aking mga kasalanan upang ako'y magkaroon ngayon ng bagong buhay, at sa isang araw ay makasama Kayo magpakailanman. Tulungan po Ninyo akong mamuhay bilang Inyong anak. Amen."

Basahin ang Bibliya at manalangin sa Diyos araw-araw! Juan 3:16

